

12

E MAFAI ONA OU TATALO MA LO'U AIGA

FOLASAGA MO LE FAIAOGA

Ina ia e saunia faaleagaga e aoao atu lenei lesona, faamolemole ia faitau ma mafaufau loloto i mea nei:

Na fetalai mai le Faaola, “Ia tatalo i o outou aiga i le Tama i lo’u igoa, ina ia manuia [o] outou [aiga]” (3 Nifae 18:21). E ala i le tatalo faatasi, e mafai ai ona ola latalata aiga i le Tama Faalelagi, ma latalata le tasi i le isi ma valaaulia ai le Agaga Paia i totonu o le aiga (tagai MFF 19:38).

SAUNIUNIGA

- Faailoga le itulau 106 i le tusi lesona lenei e faafaigofie ai ona e susue i ai.
- Aumai se kopi o le Tusi a Mamona. Faailoga le 3 Nifae 18:21 e faafaigofie ai ona e susue i ai.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Pese Valaaulia tamaiti e tau le upu “tatalo faaleaiga” mo ni nai taimi. Fai i ai o le a outou aoaoina se pese e uiga i le tatalo faaleaiga. Faia se li’o ma tamaiti, ma uulima tagata uma. Usu pe fai atu upu i le “Tatalo a le Aiga” (*Tusipese a Tamaiti*, 101) ma fesoasoani i tamaiti tou te faia faatasi taga:

Tatou faataaliolio (*savavali i se li’o*)

Ma tatalo faatasi (*taofi le savaliga ae tootutuli; ia faataitai mai tamaiti ia te oe i le ta’uga o le upu “tatalo faaleaiga”*)

Faafetai i le Tama (*piilima*)

Mo faamanuiaga.

Ata Faaali atu le ata o se aiga o loo tatalo (itulau 54). Fesoasoani i tamaiti ia iloa tagata eseese o le aiga, ma faailoa atu o loo tootutuli i latou ma piilima, punonou o latou ulu, ma moeiini o latou mata. Fai i ai o loo faia le tatalo faaleaiga a le aiga lea. Valaaulia tamaiti e fai mai upu “tatalo faaleaiga.” Valaaulia i latou e tootutuli, piilima, ma punonou o latou ulu. Faamalamalama atu a fai a tatou tatalo faaleaiga, tatou te talanoa i le Tama Faalelagi. Tatou te faafetai ia te Ia mo o tatou faamanuiaga, ma talosaga atu ia te Ia e fesoasoani ma faamanuia lo tatou aiga.

Fuaiupu o Gaoioiga Tauloto le fuaiupu o le gaoioiga lea ma valaaulia tamaiti tou te faia faatasi:

O lo’u tina lea, e fesoasoani pe a ou taalo. (*sii le lima matua*)

O lo’u tama lea, e galue i le aso atoa. (*sii le tamatamai lima lona lua*)

O lo’u tuagane lea, e malosi toe umi. (*sii le tamatamai lima lona tolu*)

O lo’u uso lea, e fiala e taalo i le polo. (*sii le tamatamai lima lona fa*)

Ae o a’u lea, ou te fiala e ta’u atu (*sii le tamatamai lima lona lima*)

E tootutuli faatasi lo’u aiga ma tatalo atu. (*uu le moto i le lima*)



MOTUGAAFA FAAFAIAOGA

Pese: Ina ia aoao atu se pese po o se fuaiupu o gaoioiga, aoao e oe faatauloto upu ma taga a o le i faia le vasega. A o e usuina pe taulotoina upu, faamamafa upu ma taga taitasi. E mafai ona e faaopoopo i ai taga faigofie ma talafeagai i soo se pese po o se fuaiupu e fesoasoani ai i tamaiti e faalogo ma faaleleia atili le aoaoga. (Tagai *O Le Aoa Atua, E Lei Se Isi Valaauga e Sili Ai*, 167.)

O tamaiti laiti e pupuu taimi e filemu ma faalogo ai. Afai e lelavava tamaiti a o le i maea uma gaoioiga, e mafai ona e taofia le lesona ina ia tutu i luga tamaiti ma gaoioi solo ona toe foi mai lea i le lesona mulimuli ane.

Mau Faaali atu le ata o Iesu Keriso i le itulau 106. Susu'e le Tusi a Mamona i le 3 Nifae 18:21 ma faapea atu, "na fetalai mai Iesu, 'Tatalo i o outou aiga.'" Valaaulia tamaiti tou te faia faatasi le fuaiupu lea, fai auauai ni nai upu i le taimi.

Faaiuga Valaaulia tamaiti e fai mai, "E mafai ona ou tatalo ma lo'u aiga," fai auauai ni nai upu i le taimi.

Tatalo Valaaulia se tamaitiiti e faia le tatalo faaiu.


GAOIOIGA E FILIFILI AI

SAUNIUNIGA *Mo le tala i papeti tamatamai lima:* Kopi ma oti ese papeti tamatamai lima i le itulau 59. Valivali pe a mananao ai.

Mo le taaloga i le taga: Tusi i luga o tamai taga e fa "Matou te Faafetai mo o Matou Faamanuiaga." I totonu o taga taitasi tuu i ai se ata o se mea ua tatou faafetai ai (e pei o meaai, lavalava, fale, aiga, ma isi). Afai e te manao ai, e mafai ona e faaogaina kopi o ata tusi o i le itulau 55 po o isi vaega o le tusi lesona lenei.

Mo le gaoioiga valivali: Kopi le ata tusi o i le itulau 55 mo tamaiti taitoatasi e valivali. Aumai se seleulu ma se mea faapipii.

Tala i Papeti Tamatamai Lima Faaoga papeti tamatamai lima e faamatala ai le tala lea e uiga i le tatalo faaleaiga:



O se aiga lea. O le tama lea, ae o le tina lea. O le tuafafine lea a o le tuagane lea. O Pita lea, le uso laitiiti (*tusi i le papeti o le pepe*).

I se tasi aso sa taalo ai Pita ae lavea ai lona mata (*valaaulia tamaiti e pupuni o latou mata i o latou lima*). Na ave o ia e Tama ma Tina e vaai le fomai (*aveese le papeti mai le tamatamai lima ma faataatia i luga o le fola*). Na tootutuli le aiga o Pita i se tatalo faaleaiga (*valaaulia tamaiti e tootutuli*). Na talosaga i latou i le Tama Faalelagi e faamanuia Pita. Na faafofoga le Tama Faalelagi i la latou tatalo. Na fesoasoani o Ia ia Pita ia manuia lona mata (*toe tuu le papeti i luga o le tamatamai lima*). Ona toe fai foi lea o le tatalo faaleaiga a Pita ma lona aiga e faafetaia ai le Tama Faalelagi mo le faamanuiaina o Pita.

Taaloga i le Taga Tuu taga i luga o le fola. Ia uulima tagata uma, ma faia se li'o faataamilo i taga, ma savavali i se li'o a o usuina le pese "Tatalo a le Aiga." Ona taofi lea o le savaliga, ae filifili e se tamaitiiti se taga ma faaali mai le ata o i totonu. Fai le tala, "Matou te faafetai mo [tau le igoa o le aitema i le ata]." Vivii tamaiti mo lo latou auai. Toe fai seia tofu avanoa uma tamaiti o e mananao ai.

Valivali Ia valivali e tamaiti se kopi o le itulau 55. A maea, oti ese fasipepa uumi, ma felaveai i latou e faaoga ai se mea faapipii ia faia ai se filifili mo tamaiti taitoatasi e ave i le fale.



MOTUGAAFA FAAFAIAOGA


Tusitusiga Paia: Faaoga tusitusiga paia a o e aooaina tamaiti ma a o e sauniuni e aooa atu. O le a fesoasoani lea e valaaulia ai le Agaga, ma e fesoasoani foi i tamaiti e atiina ae ai se lagona fiafia i le afioga a le Atua. Faaali atu ia i latou o mea o loo e aooaina atu e aumai i tusitusiga paia.

Papeti: "O papeti e mafai ona faaogaina e faatino ai vaega o se lesona po o tala, e faafeiloai ai tamaiti i le vasega, e tuuina atu ai aooaga, e usu ai pese, e fesoasoani ai i le faatinoina o tala, e tuu atu ai fesili, pe fesoasoani ai foi i tamaiti ia tumau lo latou naunau mai." (O Le Aooa Atu, E Lei Se Isi Valaauga e Sili Ai, 186).


Taaloga i le taga: Afai e leai ni ato po o ni taga, e mafai ona e faafaoina ata ae alu atu se tamaitiiti e filifili se ata se tasi e fuli i luga.

Manatua: Faamolemole tuu ese seleulu ma isi mea e ono tutupu ai ni faalavelave mai le vaai ma le fetagofi i ai o tamaiti.







E Mafai Ona Ou Tatalo ma Lo'u Aiga




Tatou te faafetai mo o tatou aiga.



Tatou te faafetai mo o tatou fale.



Tatou te faafetai mo meaai tatou te aai ai.



Tatou te faafetai mo o tatou lavalava.